

SASKIBALOIA

Real Madrider gaur lor lezake
ACBko titulua aspaldiko partez

E.E. / DONOSTIA

Asteartean Joventutek uste baino errazago irabazi zion Real Madridi eta laugarren partidua jokatzeko eskubidea lortu zuen. Gaur (20.30etan TVE2) 2-2ko markagailua erdietsi nahi dute kataluniarrek, baina horretarako prest ez dagoena talde madrildarra da, ACBko titulua lehenbailehen patrikaratu nahi duelako. Zuriek azkeneko titulua duela zazpi denboraldi lortu zuten eta jadanik, gose dira. Handik aurrera ACB kataluniarren menpe egon da: azkeneko biak Badalonako Joventutek eskuratu ditu eta aurrekoak Barcelonak.

Herenegungo partiduan Jordi Villacampa eskolta izan zen neurketa erabaki zuena, lehen zatian berak soilik 24 puntu sartu baizituen, Real Madrident defentsa (bai buruz-burukoa, baita 1-3-1a ere) puskatu egin zuelako. Joventuteko pibotek, 2.18ko Arvidas Sabonis ere aurrekoetan baino hobeto zaindu zuten eta

Ferran Martinezek aurreko 80 minutuetan 4 puntu baino ez bazituen sartu, herenegun 10 egin zituen.

Ez dira asko, baina Rafael Jofresa eta Villacampari arnas pixka bat hartzeko balio izan zitzaizkien. Gaur ere garrantzitsua izango da Ferran, bai Sabonisen defentsan, baita erasoan ere.

CAJA
AZKENIK
LARUNBATEAN

Larunbatean jokatu du azkenik Caja Bilbaok Canariaren kontra. Atzora arte, bihar edo igandean jokatzeko aukerak zeuden, larunbatean ETBk Valencia-Athletic futbol partidua eskainiko duela eta. Azkenean, baina, ez da akordorik egon eta saskibalo bi taldeok ACBra igotzeko play off-etako lehen neurketa 20.15etatik aurrera jokatu dute.

Quique Azcon basea lesionaturik egon da azkenaldian eta larunbaterako prest egongo ez bada ere, bigarren partidua joka lezake.

New York finalera sailkatu da eta
Phoenix eta Seattle hurbil daude

NEW YORK

New York Knicks-Chicago Bulls izango da Ekialdeko finala. Gakoa ez zen izan Pat Ewing, Charles Oakley eta John Starks bikotea baizik: 21. eta 20 puntu. Charlotten Alonzo Mourning pibota 22 puntu, 11 errebote eta 6 txapelekin.

Mendebaldean Phoenix eta Seattle finaletik hurbil daude.

Phoenixen, Spursen kontra, Barkley 36 puntu egin zituen. 24. Seattlen, Pierce-Payton kanpoko jokalariek Houston txikitu egin zuten: 24 eta 23 puntu.

EMAITZAK

Knicks	105	Hornets	101	(4-1)
Seattle	120	Houston	95	(3-2)
Phoenix	109	Spurs	97	(3-2)

Iñaki Rodriguez: «B Multzoan
aritzeak ez nau batere pozten»

Loiolako hegalk «esperientzia falta» izan dutela dio

Loiola Muebles Martin talde donostiarrak amaitu du denboraldia eta Lehen Mailan A Multzoan hasi bazen, B Multzora jaitsi da. Taldekideek ezin dute burua altxatu ere egin eta Iñaki Rodriguez hegalk bikainak adierazi digunez, «hurrengo denboraldian B Multzoan aritzeak ez nau pozten».

E. ESNAOLA / DONOSTIA

«Jokalaria guztiok beti ere ahalik eta hoberen jokatu nahi dugu. Hurrengo denboraldian Loiolak B Multzoan jokatu beharko du, ez dut adorerik galduko baina egia esan B Multzoan aritzeak ez nau pozten», aitortu dio Iñaki Rodriguezek EGUNKARIARI. Dena den, badago oraindik A Multzoan aritzeko aukerarik, multzo horretako talde batzuek huts egin dezaketelako.

1.98 metro neurtzen duen Iñaki Rodriguezek lehen fasean 17.8 puntuko batez bestea egin zuen eta bigarren fasean 24.4ekoa. Dudarik gabe, bere maila ACBkoa dela ere esan daiteke. ACBtik eskaintzarik ez duela jaso dio, «eta ez dakit nire etorkizuna nolakoa izango den. Nire ordezkaria den Alonsok esan dit aukera batzuk badaudela, baina oraindik ez dago talderik interesaturik». Loiolarekin ekainean bukatuko zaio kontratua eta berak ACBn aritzeko gai ikusten du bere burua, «baina gertatzen dena zera da, ACBn orain hiru atzerritar daudela eta lehen hor



ACB ligan jokatzeko gai dela dio Iñaki Rodriguezek.

A. GILLENEA

jokatzea zaila baldin bazen, jokalaria onak daudelako, hiru atzerritarrekin zailago. Eta kanpoan egon eta gehiegi ez jokatzek ere ez nau erakartzen».

«ESPERIENTZIA
FALTA IZAN
DUGU»

Denboraldiari errebasoa emanez, emaitzak txarrak izan direla dio Iñakik, «baina taldean giro ona egon da. Lagun kuadrila izan da taldea eta hau edozein ekipotan ez dago. Alde horretatik gustura geratu naiz».

Emaitzak, baina, eskasak izan dira «eta hasiera batean genituen asmoei begiratuta, denboraldia txarra izan da. Nire ustez, hitz egokiena esperientzia falta da.

Jokalaria asko zeuden Lehen Mailan ez zutenak inoiz ere jokatu, lehen aldiz talde honetan atzerritar bat aritu da eta abar». Bere ustez, koska, atzerritarraren aldaketan egon da, «zeren Peterson (pibota) bidaltzean, guk ez genuen behar hegalk bat eta Thomas etortzean, hegalka zela ikusi genuen. Hemen ere ikusi zen zuzendaritza eta entrenatzailearen esperientzia falta. Esan zieten Thomas beste era bateko ezaugarriko jokalaria zela eta gero ikusi zen nolako zen. Datuak konprobatu behar ziren». Diru eza eta lesioek ere eragina izan dutela adierazi digu, «eta B Multzoan besteen baino hobeak ginen, baina geuk huts egin dugu».

SAN MAMESera

ATHLETIC

ikustera **dohainik** joan nahi baduzu,
entzun **BIZKAIA IRRATIA**n eguen eta barikuetan goizeko 10:30etan

“BIHOTZETIK BIHOTZARI”

eta euki eizu eskuetan EUSKALDUNON EGUNKARIA

ATHLETIC ikusteko 12 sarrera. **BILBAO ATHLETIC** ikusteko 50 sarrera.

BIZKAIA
irratia

102.6
FM

Egunkaria